



Mi cridin simpri, a cjase, parcè o ai pôre des robis dulà che no si cjale dentri.

Ma jo une volte o ai bevût un raiat, te scjate dal lat, e cumò o vueil bevi dome tes butiliis di veri.

Parfin lis pocis mi spaurissin: o pensi simpri che si podarès lâ sot fintremai a finîle tal mieç dal mont.

Inte strade blancje o vaivi. Il pai, inpins jenfri dôs strichis di aghe maron, mi clamave vaios. Di bot al è saltât fûr un madracat grandonon, plen di mostacjis finis finis. Lu à muardût e stricât come un tubet di dentifrici. Al leve fûr e dentri des pocis scjassant il cjâf e dapardut a colavin toc di pai. Le bestie e tornave daûr e e finive di mangjâiu. Però è someave dute a Tatsu, il gno dragut di peluche, e cussì ae mame no i ai dite nuie.

di Raffaele Serafini
Contis dal ostîr